

AGENDA

GAUR

Baiona: Alain Krivine LCR alderdiko europar parlamentaria Baionako Lan burtsan izanen da gaur, Baionako zerrendaren aldeko mitinean. 19.30

BIHAR

Luhuso: Jean Lissar ezker askotarikoaren Ezpeletako kantonamenduko hautagaiaren biltzar publikoa Luhusoko Herriko Etxean. 20.30.

Espeize: Jean Piere Mirande (UDF) Mauleko kontseilaria Espeizen izanen da arrats honetan bilkura publikoan. 19.00.

BOZGORAILUA

■ Hur Gorostiaga

13 egun

Ez dira bi hilabete falta Euskal Herrian hauteskunde eguna izateko. Bi aste eskas baizik. Hamahiru egun.

Ez da bozketa bakar bat eginen, bi baizik: Herriko Etxeetarako (udalak eta ez alderdi jakin bateko ostatuak), eta Pirinio Atlantikoe-tako Kontseilu Nagusirako, Euskal Herrikan kanpora dagoen eta euskaldunek gutiengo duten erabakigunerako.

Ez dute milioi bat eta erdi euskal herritarrek ukanen bozketarako eskubidea, berrehun mila herritarrek baizik.

Probintzia bakoitzak ez ditu 25 hautetsi hautatuko. Kantonamendu bozetan Zuberoan dituzten bi aulkietatik bakarra da eraberritze-koa: Maulekoa. Nafarroa Beherean, sei aulkietatik hiru dituzte berrautatzekoak: Amikuze, Baigorri eta Bida-xuneko barrutietakoak. Lapurdin, azkenik, hamahiru aulkietatik zazpitan dituzte bozak: Angelu Hegoan, Miarritze ekialdean, Donibane Lohizunen, Hendaian, Uzta-ritzen, Hiriburun eta Ezpele-tako barrutietan.

Ez da lau urterako agintaldia erabakiko, sei urterakoa baizik.

Ez da hauteskunde egun bakarra izanen ere, bi baizik. Martxoaren 11n lehen itzulia eginen da eta hautagai edo zerrendaren batek gehiengo ukanen ez duen tokian, bigarren itzulia eginen da.

Herri Urrats ez da maia-tzaren bigarren igandean izanen usaian bezala, hemezortzi urtez egin den gisan. Maiatzeko lehen igandean baizik. Baina hauteskundeak Senperen aspaldi pasatuak izanen badira ere, eta senperetarrek auzapez berria ukantik ere, segur hauteskunde kanpainaren usaina izanen dela bertan.

JEAN LISSAR

AKITANIako BERDEEN LEHENDAKARI ETA HAUTAGAIA EZPELETAKO KANTONAMENDUAN

«Frantzian ezkerreko bigarren indarra izatea espero dugu hauteskundeotan»



BOB EDMÉ

Hur Gorostiaga | ITSASU

Jean Lissar Berdeen hautagaia izanen da Ezpeletako kantonamenduan, alderdi sozialistaren eta komunistaren sostenguekin «ezker askotarikoaren» ordezkari gisa lehen aldiz.

■ **Louis Geninek (UDF) berri ez aurkeztea erabaki ondoren, zazpi hautagai ari zarete aulki bakarraren bila.**

Kontuan izanik Ezpeletako kantonamenduan beti eskuinak irabazi izan duela, ezkerrendako zaila izanen da toki horren atzematea. Lehen aldiz PS eta PCK Berde baten hautagaitza sostengatuko dute, nire izenean eta ikusiko dugu ea zer eginen dugun.

■ **Herriko bozketetan ere, lehen aldiz zerrenda baten gidaritza izanen duzue Ipar Euskal Herriko Berdeek Donibane Lohizunen.**

HENDAIA

«Berdeak kanporatu izana ez dugu segidarik gabe utziko»

JEAN ESPILONDO

«Frantzian indartsu dagoen mugimendu jakobinistaren txakur tipia besterik ez da»

ABERTZALEAK

«Baigorri ez dugu arazorik izanen Galanten aldeko boza galdegiteko»

Berdeak Ipar Euskal Herrian indartzen ari zareten seinale?

Hauteskunde hauek guretako test bat izanen dira. Frantzia mailan ondorio oso onak espero ditugu. Segurki ezkerreko bigarren indarra izanen gara alderdi komunistaren aitzinetik eta alderdi sozialistaren gibeletik. Iparraldean Donibane Christian Sauvek gidatuko du zerrenda, sozialistak berarekin izanen dituela. Helburua Alliot-Marier irabaztea izanen dute. Baionan ere leku onean kokatuak gara.

■ **Hendaian, aldiz, hainbat urtez Herriko Etxean egon ondoren, hautagai kopuruagatik Raphael Lassalletten ondorengoarekin ez duzue akordiorik erdietsi.**

Alderdi sozialistaren barnean diren gatazken lehen biktimak izan gara Hendaian. Lassallette joatearekin gauzak arrunt nahasi dira. Berdeak kanpora-

tzea ez dugu batere onartzen, eta segur izan gure aldetik segida bat izanen duela. Nik uste Kote Ezenarro eskuinari sekulan ukan ez duen bidea irekitzen ari dela Hendaian.

■ **Segida izanen duela diozu. Hendaia-ko kantonamenduan Serge Lonca zuen alderdikidea Albert Pery sozialistaren kontra aurkeztuz, adibidez?**

Heldu den urteetan nahiz eta ez Herriko Etxean izan oposizio indartsua eginen dugu Hendaian. Turismoa eta hondakinen arloan bada anitz errateko Hendaian. Hendaia-ko kantonamenduan bigarren itzulia zer eginen dugun, aldiz, tokiko taldeak erabakiko du.

■ **Kantonamendu batean abertzale bat lehen itzulian eskuinaren gibeletik baina zuen aitzinetik izanez gero, haren alde bozkatzera deituko al duzue?**

Adibidez Baigorri nik uste posible dela Jean Michel Galanten alde bozkatzera deitzea. Egia erran PS eta PCRekin ditugun akordioak lekuka eginikoak dira. Adibidez Donapaleun Sauveur Bachoren hautagai independentearen alde eginen dugu eta ez Laurent Perrier sozialistaren alde.

■ **Nolaz kopreni daiteke Berdeek Angelun Jean Espilondoren zerrendarekin bat egitea?**

Eta nola esplikatzan da abertzaleak eskuinarekin joatea? Angeluko errealitatea hala-koa da. Berdeendako ez zen beste posibilitaterik. Abertzaleekin zerrenda bat egitea pentsatu zen baina ez da egin azkenean. Espilondoren jakobinismo eta errepublikanismoarekin bat egiten ez badugu ere, bertze hainbat puntutan bat egiten dugu. Ez da ahantzi behar gaur egungo auzapeza Xibertako Portua egin nahi zuen taldekoa dela. Abertzaleek hamar urtez horren kontra borroka egin ondoren bat egin dute horiekin. Nik uste abertzale anitzek ez duela bozkatzeko Villenaven alde, eta Espilondok irabaziko duela Angelun. Guretako bi auzapezorde hitzeman ditu.

■ **Espilondok beraz zuei esker irabaz dezake...?**

Nik uste baietz. Hala ere Espilondo gaur egun Frantzian indartsu dagoen mugimendu jakobinistaren txakur tipia besterik ez da nire ustez.